

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 417070 22 St
Tuzla, 15.07.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„ALFA-NUR Co“ d.o.o. Tuzla, za proizvodnju, trgovinu i usluge, ul. Stupine B13, lamela B**, nakon provedenog stečajnog postupka donio je dana 15.07.2022. godine sljedeće

R J E Š E N J E

OTVARA SE stečajni postupak nad imovinom dužnika **„ALFA-NUR Co“ d.o.o. Tuzla, za proizvodnju, trgovinu i usluge, ul. Stupine B13, lamela B**, matični broj subjekta 32-01-0186-08, JIB: 4209907910009, račun broj: 1990500021826453 otvoren kod Sparcasse bank dd BiH.

Za stečajnog upravnika imenuje se Almir Bajrić iz Tuzle, ul. Aleja Alije Izetbegovića 3B.

ZAKLJUČUJE SE stečajni postupak nad imovinom dužnika **„ALFA-NUR Co“ d.o.o. Tuzla, za proizvodnju, trgovinu i usluge, ul. Stupine B13, lamela B**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 417070 22 St od 01.04.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva **„ALFA-NUR Co“ d.o.o. Tuzla, za proizvodnju, trgovinu i usluge, ul. Stupine B13, lamela B**, a za privremenog stečajnog upravnika imenovana je Almir Bajrić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 06.05.2022. godine. Iz izvještaja privremenog stečajnog upravnika proizilazi da društvo društvo ne posluje od kraja 2021. godine ali se iz činjenice da su računi blokirani više od 8 mjeseci može zaključiti da je poslovanje dužnika već duži period obustavljeno. Dužnik ne posjeduje poslovne prostorije na prijavljenoj adresi sjedišta, niti posjeduje bilo kakvu nepokretnu imovinu, poslovne prostorije bile su predmet iznajmljivanja. Kako društvo nema mogućnost plaćati zakup to se poslovne prostorije na adresi sjedišta više ne koriste. Društvo ima u svom vlasništvu pokretnu imovinu koja je pod zalogom UIO BiH RC Tuzla i PU F BiH KPU Tuzla. Pokretna imovina se sastoji od tri motorna vozila, mašina i opreme knjigovodstvene vrijednosti 30.350,00 KM. Obaveze društva prema knjigovodstvenoj evidenciji iznose 1.102.410,00 KM. Od dana otvaranja prethodnog postupka društvo nema radnika svi su odjavljeni sa avgustom 2021. godine. Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog

postupka iz kojih bi se mogli podmiriti troškovi stečajnog postupka, sud je rješenjem od 16.05.2022. godine pozvao predlagača, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 6.550,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 39/22 dana 25.05.2022. godine, oglasnoj tabli suda dana 17.05.2022. godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.